



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

Faina de sa cida

Oi est sa dii dedicada a su spàtziu e duncas custa cida eus sceberau una pintura chi pertocat s'universu.

Sole, Luna e Cometa de Sarbadori Fancello. Fatu faci a su 1938/39, cun china e tèmpera asuba de paperi.

Nàsciu in Durgali in su 1916, su de ùndixi de doxi fillus in una famìllia de messajus, studiat in sa bidda sarda e si diplomat in su 1929. In su 1930 bincit, impari cun Giuanni Pintori, una bussa de stùdiu chi ddi permit de studia a s'Istituto Superiore per le Industrie Artistiche de Monza, innui atòbiat Nivola puru.

In sa citadi "brianzola" e pruschetotu in Milano, innui at bintu su Gran Premio a sa de ses Triennalis de Milanu po s'òbera "Segni Zodiacali, at atobiau a artistas famaus sardus, cumentis a Sassu, italianus e argentinus puru cumentis a Fontana.

Est mortu in Bregu Rapit in su fronti aregu-albanesu in su mesi de martzu de su 1941.

Enfant prodige intra de is ceramistas avedalis suos, funt de balori mannu fintzas is pinturas, cumentis a custa sceberada oi. Insertau in s'ambienti milanesu cuntra a su "classicismu", a su "plasticismu" e a su "monumentalismu", torraus a pillu cun is noixentistas e po boluntadi de su governu fascista, Fancello pigat su prexeri po su grafismu fini e delicau e is coloris luxentis, chi si aciungint a sa personalidadi cosa sua de biseri irònicu, cumentis amostant is figuras de su mundu de animalis chi imbentat in custus annus.

